

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савет

MIŠLJENJE

**po Zahtjevu privrednog subjekta Mješoviti Holding „Elektroprivreda Republike
Srpske“ Matično preduzeće a.d Trebinje**

Sarajevo
avgust, 2017. godine



Broj: 01-26-7-015-5/17
Sarajevo, 04.08.2017. godine

Na osnovu člana 25. stav (1) tačka f) Zakona o konkurenciji („Službeni glasnik BiH“, br. 48/05, 76/07 i 80/09), a po Zahtjevu za davanje mišljenja privrednog subjekta Mješoviti Holding „Elektroprivreda Republike Srpske“ Matično preduzeće a.d Trebinje, Stepe Stepanovića bb, 89101 Trebinje, zastupanog po izvršnom direktoru za pravne poslove Nenadu Radoviću, zaprimljenog od strane Konkurencijskog vijeća dana 18.07.2017. godine pod brojem: 01-26-7-015-1/17, Konkurencijsko vijeće, na 8. (osmoj) sjednici održanoj dana 04.08.2017. godine, donijelo je

MIŠLJENJE

Privredni subjekt Mješoviti Holding „Elektroprivreda Republike Srpske“ Matično preduzeće a.d Trebinje, Stepe Stepanovića bb, 89 101 Trebinje (u daljem tekstu: Podnosilac zahtjeva ili ERS), podnio je Konkurencijskom vijeću Zahtjev za davanje mišljenja (u daljem tekstu: Zahtjev), zaprimljen dana 18.07.2017. godine pod brojem: 01-26-7-015-1/17.

Podnosilac zahtjeva je aktom broj: 01-26-7-015-3/17 dana 21.07.2017. godine dostavio dokaz o uplati administrativne takse na osnovu dopisa Konkurencijskog vijeća broj: 01-26-7-015-2/17 od 19.07.2017. godine.

Podnosilac zahtjeva traži mišljenje od Konkurencijskog vijeća vezano za postojanje obaveze podnošenja prijave koncentracije u vezi Okvirnog sporazuma o saradnji (u daljem tekstu: Okvirni sporazum) koji su dana 12.07.2017. godine zaključili Mješoviti Holding „Elektroprivreda Republike Srpske“ Matično preduzeće a.d Trebinje (ERS) i JP „Elektroprivreda Hrvatske zajednice Herceg-Bosne“ d.d. Mostar (u daljem tekstu: EP HZHB).

Naime, predmet Okvirnog sporazuma je utvrđivanje okvirne saradnje Strana potpisnica, radi raspodjele proizvedene električne energije u SP CHE Čapljina dobivene iz regulisanih voda ispuštenih na profilu HE Trebinje/Gorica i pružanje pomoćne usluge – tercijarne rezerve za EES BiH ili za Blok HR/SLO/BiH ili trećim stranama kojima je potrebna ovakva vrsta usluge.

Podnosilac zahtjeva posebno ističe da je Okvirni sporazum načelnog karaktera jer su strane usaglasile da će međusobne odnose po osnovu realizacije ovog sporazuma regulisati posebnim ugovorima (član 4. Okvirnog sporazuma), te da navedeni sporazum važi do 31.12.2017. godine.

Mišljenja su da navedeni Okvirni sporazum ne predviđa bilo kakvo spajanje, pripajanje, sticanje kontrole ili preovladavajućeg uticaja između učesnika namjeravane koncentracije, niti nad drugim privrednim subjektima, u smislu člana 12. Zakona o konkurenciji („Službeni glasnik BiH“, br. 48/05, 76/07 i 80/09) (u daljem tekstu: Zakon), što bi značilo da će tržišni udjeli ERS i EHB ostati potpuno isti i prije i poslije zaključenja sporazuma.

Između ostalog, Okvirnim sporazumom je predviđeno sljedeće:

Članom 1. Okvirnog sporazuma definisan je predmet ovog sporazuma koji se odnosi na utvrđivanje okvirne saradnje Strana radi:

- raspodjele proizvedene električne energije u SP CHE Čapljina dobivene iz regulisanih voda ispuštenih na profilu HE Trebinje/Gorica i
- pružanje pomoćne usluge – tercijarne rezerve za EES BiH ili za Blok HR/SLO/BiH ili trećim stranama kojima je potrebna ovakva vrsta usluge.

Članom 2. Okvirnog sporazuma definisano je da su EP HZHB i ERS saglasne da zajedno nastupe i osiguraju na komercijalnim osnovama pružanje pomoćne usluge – tercijarne rezerve iz pogona SP CHE Čapljina u skladu sa tehničkim mogućnostima pogona SP CHE Čapljina i od mogućih količina električne energije.

EP HZHB zadržava pravo da samostalno proda tercijarnu rezervu od vlastitih voda dobivenih crpnim radom SP CHE Čapljina, izuzev proizvedene električne energije dobivene od regulirane vode ispuštene na profilu HE Trebinje II/Gorica.

Članom 4. Strane se slažu da će međusobne odnose po osnovu realizacije Okvirnog sporazuma regulisati posebnim ugovorima u pogledu pružanja pomoćne usluge – tercijarne rezerve i proizvodnje električne energije iz reguliranih voda.

Članom 7. definisano je da Okvirni sporazum proizvodi pravne posljedice samo i isključivo ako Strane zaključe posebne ugovore iz člana 4. ovog sporazuma, koji važi do 31.12.2017. godine.

Podnosilac zahtjeva, u skladu sa navedenim, traži mišljenje od Konkurencijskog vijeća u vezi postojanja obaveze podnošenja prijave koncentracije.

Konkurencijsko vijeće u vezi obaveze prijave koncentracije navodi:

- član 12. stav (1) Zakona o konkurenciji utvrđuje da se koncentracijom u smislu ovog Zakona smatra:
 - a) spajanje ili pripajanje nezavisnih privrednih subjekata ili dijelova privrednih subjekata;
 - b) sticanje kontrole ili dominantnog uticaja jednog privrednog subjekta nad dijelom(vima) drugog privrednog subjekta i to:
 - 1) sticanjem kupovinom većine dionica ili udjela osnovnog kapitala; ili
 - 2) sticanjem većine prava glasa; ili
 - 3) na drugi način, u skladu s odredbama zakona koji reguliraju osnivanje privrednih subjekata i njihovo upravljanje; c) zajednička ulaganja na dugoročnoj osnovi, dva ili više nezavisnih privrednih subjekata, koji djeluju kao nezavisan privredni subjekat.
- članom 14. stav (1) tačka a) i b) Zakona o konkurenciji, propisano je da su privredni subjekti namjeravanu koncentraciju, iz člana 12. stav (1) istog Zakona, obavezni prijaviti ukoliko su ispunjena dva uslova. U članu 14. stav (1) tačka a) navodi se prvi uslov, da ukupni godišnji prihod svih učesnika koncentracije ostvaren prodajom roba i/ili usluga na svjetskom tržištu iznosi 100 miliona KM, po završnom računu u godini koja je prethodila koncentraciji, a u članu 14. stav (1) tačka b) drugi uslov, da ukupan prihod svakog od najmanje dva privredna subjekta učesnika koncentracije ostvaren prodajom roba i/ili usluga na tržištu Bosne i Hercegovine iznosi najmanje 8 miliona KM, ili ako je zajedničko tržišno učešće učesnika koncentracije na relevantnom tržištu veće od 40%;
- član 2. Odluke o načinu podnošenja prijave i kriterijumima za ocjenu koncentracija privrednih subjekata ("Službeni glasnik BiH", br. 34/10) daje pojašnjenje propisanih uslova za obavezu podnošenja prijave koncentracije, pa su koncentraciju dužni prijaviti privredni subjekti sa sjedištem i prebivalištem u inostranstvu ukoliko su zajedno ispunjena oba uslova iz člana 14. stav (1) tačka a) i b) Zakona o konkurenciji,

odnosno privredni subjekti sa sjedištem i prebivalištem u Bosni i Hercegovini ukoliko su ispunjeni samo uslovi iz člana 14. stav (1) tačka b) Zakona o konkurenciji;

S tim u vezi, Konkurencijsko vijeće navodi da je članom 16. stav (1) Zakona propisano da su privredni subjekti, učesnici koncentracije obavezni podnijeti prijavu koncentracije u smislu čl. 12. i 14. Zakona, u roku od 15 dana od dana zaključivanja sporazuma, objavljivanja javne ponude dionica ili stjecanja kontrole, ovisno od toga šta nastupi prije.

Nadalje, članom 16. stav (2) Zakona, propisano je da se prijava koncentracije može podnijeti i kada učesnici koncentracije dokažu svoju namjeru za koncentracijom zaključenim načelnim sporazumom, memorandumom o razumjevanju, pismom namjere potpisanim od svih učesnika koncentracije ili javnim objavljivanjem namjere za ponudu kupovine.

U skladu sa izloženim, Konkurencijsko vijeće smatra da u predmetnom slučaju ne postoji obaveza prijave koncentracije u smislu člana 16. stav (1) Zakona, s tim da se prijava namjere koncentracije može podnijeti u smislu člana 16. stav (2) Zakona ako su ispunjeni uslovi iz člana 12. (oblik koncentracije) i člana 14. (ukupni ostvareni godišnji prihodi učesnika koncentracije) Zakona.

Ovo mišljenje je dato isključivo na osnovu podataka navedenih u Zahtjevu, te ukoliko dati podaci odstupaju od stvarnog činjeničnog stanja ovo mišljenje se ne može primijeniti.

Predsjednik

Ivo Jerkić

Dostaviti:

- **Podnosiocu zahtjeva**
- **arhiv Konkurencijskog vijeća**